

Sarajevo, 15-04-2019
Broj: 02-03-19760

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-19062 od 11.04.2019.godine, Generalna direktorica donosi:

ODLUKU

o izboru najpovoljnijeg ponuđača
za nabavku operacionog mikroskopa za vitreoretinalnu hirurgiju
za potrebe Klinike za očne bolesti

I

Prihvata se prijedlog Komisije za javnu nabavku operacionog mikroskopa za vitreoretinalnu hirurgiju za potrebe Klinike za očne bolesti, po Izvještaju br. 03-06-19062 od 11.04.2019.godine, nakon provedenog otvorenog postupka javne nabavke i ugovor dodjeljuje najpovoljnijem ponuđaču:

TUZLA-FARM d.o.o. Tuzla

Operacioni mikroskop za vitreoretinalnu hirurgiju za potrebe Klinike za očne bolesti

Ukupna vrijednost: 150.000,00 KM bez PDV-a + 25.500,00 KM PDV-a = 175.500,00 KM sa PDV-om

- Zemlja porijekla i proizvođač: Njemačka, CARL ZEISS

- Tip: OPMI LUMERA 300

- Uslovi plaćanja: odgođeno plaćanje u roku 30 dana, od dana isporuke, montaže, puštanja u rad i obostranog potpisivanja Zapisnika o primopredaji opreme, te ispostavljanja fakture.

- Rok isporuke, montaže i puštanja opreme u rad maksimalno 60 dana od prijema narudžbenice.

- Garancija na isporučenu opremu: 12 mjeseci, a teče od dana obostrano potpisanog Zapisnika o primopredaji opreme.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

O B R A Z L O Ž E N J E

Na osnovu Odluke br.02-03-9815 od 21.02.2019.godine pokrenut je otvoreni postupak javne nabavke operacionog mikroskopa za vitreoretinalnu hirurgiju za potrebe Klinike za očne bolesti, sa procijenjenom vrijednosti nabavke u iznosu od 150.000,00 KM bez PDV-a, odnosno 175.500,00 KM sa uračunatim PDV-om. Predmetna nabavka je planirana privremenim Planom javnih nabavki za 2019.godinu pod klasifikacijom robe, red.br. 1 (Odluka o usvajanju izmjene i dopune privremenog Plana javnih nabavki KCUS-a za 2019.godinu br.330/19; protokol br.02-01-4934/19). Sredstva u iznosu od 150.000,00 KM obezbjeđena su u Budžetu Kantona Sarajevo za 2018.godinu, razdjel 20-Ministarstvo zdravstva, ekonomski kod 615300 putem preraspodjele sredstava, po Odluci Ministarstva finansija KS br.08-14-39063/18 (Sporazuma o sufinansiranju nabavke medicinske opreme za potrebe KCUS-a, br.10-14-38441/18 od 24.12.2018.godine i naš br.02-03-7-12

[Handwritten signature]

od 03.01.2019.godine i ostatak za iznos PDV-a iz sredstava doniranih KCUS-u (Čengiz Insaat Sanaj) Odluka UO br.331/19; prilog protokol br.11-04-2080/19).

Klinički centar Univerziteta u Sarajevu je dana 26.02.2019. godine, na portalu e-nabavke, objavio Obavještenje o nabavci broj: 893-1-1-143-3-79/19 zajedno sa tenderskom dokumentacijom. Sa portala e-nabavke tendersku dokumentaciju je preuzlo 14 (četnaest) potencijalnih ponuđača, a do krajnjeg roka određenog za prijem ponuda dana 29.03.2019. godine, dostavljene su 2 (dvije) ponude ponuđača: Đaković d.o.o. Banja Luka sa cijenom 150.000,00 KM i Tuzla-Farm d.o.o. Tuzla sa cijenom 150.000,00 KM.

Za predmetnu nabavku Komisija imenovana Odlukom broj: 03-06-14350 od 19.03.2019.godine je izvršila uvid i provjeru svakog dostavljenog dokumenta i ustanovila slijedeće:

-ponuđač **Đaković d.o.o. Banja Luka** je ponudio OP mikroskop za vitreoretinalnu hirurgiju Haag Streit Surgical Hi-R NEO 900A sa FS 2-15 koji ne ispunjava tehnički zahtjev iz (Aneks 3),a koji se odnosi na **lupe red.br.17 traženo** – Integrisani optički sistem za vizualizaciju fundusa oka za operacije stražnjeg segmenta oka sa **128D i 60D lupama i prošireno kao prihvatljivo da lupe budu 60D i 132D** na portalu e-nabavke (u odgovoru od 05.03.2019 godine na postavljeno pitanje vezano za navedenu tačku), a što je bilo dostupno svim potencijalnim ponuđačima. Ponuđač Đaković d.o.o. je **ponudio lupe 90D i SPXL132D što nije u skladu sa tehničkim zahtjevom.** Iz razloga što ponuđeno ne ispunjava sve tehničke zahtjeve, **ponuda je neprihvatljiva** nije uzeta u dalje razmatranje

Ponuđač **TUZLA-FARM d.o.o. Tuzla** je ponudio OP mikroskop za vitreoretinalnu hirurgiju OPMI LUMERA 300 from, ponuda sadrži sve tražene elemente ponude i ispunjava formalno pravne i suštinske kao i tehničke zahtjeve postavljene tenderskom dokumentacijom, te je ponuda prihvatljiva i može biti predmet vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. ZJN.**

Obzirom da je cijena prihvatljive ponude u okviru osiguranih sredstava za nabavku, Komisija je Izvještajem br. 03-06-19062 od 11.04.2019.godine dala prijedlog , da se donese odluka o izboru najpovoljnijeg ponuđača i ugovor dodjeli ponuđaču TUZLA-FARM d.o.o. Tuzla.

Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA

Prof.dr. Sebija Azetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

- Dostaviti:
- Ponuđačima;
 - Tehnički sektor
 - a/a KCUS

Mine